

Broj: 03-34-4012-1/23
Mostar, 27. 9. 2023. godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA**
n/r gosp. Izmir Hadžić, sekretar
Hamdije Kreševljakovića br. 3
71000 Sarajevo

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

| Primljeno: U 2 - 10 - 2023 | | | |
|----------------------------|--------|---------|------------|
| Org. jed. | Broj | Priloga | Vrijednost |
| 05/2 | - 02 - | 287 | 123 |

PREDMET: Odgovor na delegatska pitanja postavljena na 3. sjednici Doma naroda Parlamenta Federacije Bosne i Hercegovine, održanoj 31. 7. 2023. godine, dostavljena se

VEZA: Vaš akt broj 05/2-02-287/23 od 5. 9. 2023. godine

Poštovani,

Federalno ministarstvo obrazovanja i nauke je 13.9.2023. godine zaprimilo Vaš akt broj 05/2-02-287/23 od 5. 9. 2023. godine, kojim nas obavještavate da je na 3. sjednici Doma naroda Parlamenta Federacije Bosne i Hercegovine, održanoj 31. 7. 2023. godine, delegat Damir Marjanović uputio Federalnom ministarstvu obrazovanja i nauke delegatsko pitanje i pokrenuo inicijativu. Uvidom u dostavljeni prilog, odnosno izvod iz neautoriziranog magnetofonskog snimka pomenute sjednice Doma naroda, utvrđeno je da je delegat Damir Marjanović, nezadovoljan prethodnim odgovorima, postavio dva pitanja i najavio pokretanje jedne inicijative. Prvo pitanje se odnosi na to da li se Federalno ministarstvo planira aktivno uključiti u proces reforme obrazovanja u Federaciji Bosne i Hercegovine i da li, u skladu sa svojim ustavnim ovlaštenjima, planira da se aktivira u procesu modernizacije udžbenika, dok se drugo pitanje odnosi na nauku, tačnije na kriterije na osnovu kojih se dodjeljuju sredstva za projekte iz nauke. Što se inicijative tiče, uvidom u dostavljeni materijal, utvrđeno je da se ovdje radi o inicijativi za usklađivanje legislative koja bi omogućila redovnim studentima da se zaposle u Federaciji Bosne i Hercegovine tako da smo mišljenja da bi ova inicijativa, na dalje postupanje, trebala biti upućena Federalnom ministarstvu rada i socijalne politike.

Kada je riječ o **udžbenicima** u Federaciji BiH, neophodno je spomenuti *Odluku o postupku pripremanja i odobravanja udžbenika, radnih udžbenika i drugih nastavnih sredstava za osnovne i srednje škole*, koju je 2019. godine donijela Koordinacija ministara obrazovanja i nauke u Federaciji Bosne i Hercegovine.

Imajući u vidu činjenicu da smo Vas o prethodnim aktivnostima koje se odnose na udžbeničku politiku informisali našim dopisom, broj 03-34-3189-1/23 od 14. 7. 2023. godine, možemo još dodati da je Federalno ministarstvo obrazovanja i nauke planiralo da do kraja ove godine uspostavi sektor za udžbeničke politike. Odnedavno je u funkciji i nova e-mail adresa za prijave eventualnih grešaka u odobrenim udžbenicima - prijaviudzbenickugresku@fmon.gov.ba. Ministarstvo će prikupljati te podatke, te iste analizirati i u skladu s tim adekvatno reagovati. Planirano je da se sektor za udžbeničke politike aktivno bavi problematikom udžbeničke politike te da se

zalaže da pitanje udžbenika i politika izbora udžbenika bude na dnevnom redu ministarstava obrazovanja kantona, ali i Federalnog ministarstva obrazovanja i nauke, kako bismo osigurali što kvalitetnije obrazovanje za sve naše učenike.

Što se tiče modernizacije udžbenika, već smo istaknuli da, u skladu sa gore navedenom Odlukom, štampano izdanje udžbenika može biti dio multimedijalnog kompleta koji sadrži elektronska izdanja koja su opravdana ako se u njima nalaze sadržaji koji se ne mogu lako uvrstiti u klasične štampane udžbenike, a koji na bitan način potpomažu proces učenja sa razumijevanjem. Raspisana su dva stalna javna konkursa - Stalni javni konkurs za pribavljanje rukopisa udžbenika i drugih nastavnih sredstava za gimnazije, srednje tehničke i srodne, srednje stručne i srednje umjetničke škole, kao i Stalni javni konkurs za pribavljanje rukopisa deficitarnih udžbenika i drugih nastavnih sredstava za osnovnu školu, koji su dostupni na sljedećim linkovima: http://www.fmon.gov.ba/Upload/Ostalo/fe53c3f2-5697-4cca-9a10fc7a68f10ed9_Stalni%20javni%20konkurs%20za%20pribavljanje%20rukopisa%20udzbenika%20za%20srednje%20skole.pdf i <http://www.fmon.gov.ba/Konkurs/Index/153>. Imajući u vidu činjenicu da ova dva javna konkursa ostaju stalno otvorena, pružena je mogućnost izdavačkim kućama da mogu uvijek dostaviti, u skladu sa kriterijima utvrđenim stalnim javnim konkursima, ali i u skladu sa funkcionalnim potrebama školstva, svoje rukopise udžbenika i drugih nastavnih sredstava na odobravanje kako bi se ti naslovi mogli uspješno koristiti u nastavi te olakšati proces učenja i podučavanja u školama u Federaciji Bosne i Hercegovine.

Kako smo to naglasili u našem prethodnom odgovoru, kriteriji za dodjelu sredstava za **nauku** koja se putem ugovora doznavačavaju javnim visokoškolskim i (samostalnim) naučnim ustanova u Federaciji Bosne i Hercegovine, te njihovi iznosi i namjena, odnosno način pravljanja utvrđeni su *Odlukom o usvajanju Programa utroška sredstava s kriterijima raspodjele sredstava dijela tekućih transfera utvrđenih Budžetom Federacije Bosne i Hercegovine za 2023. godinu Federalnog ministarstva obrazovanja i nauke* („Službene novine Federacije BiH“, broj 28/23), koja je usvojena 19. 3. 2023. godine, prije imenovanja sadašnjeg saziva Vlade Federacije BiH. Svi javni pozivi za dodjelu sredstava raspisani u 2023. godini su zasnovani na gore navedenoj Odluci, što znači da su kriteriji utvrđeni u prethodnom mandatnom periodu Vlade Federacije BiH.

Svrha dodjele sredstava je podrška razvoju naučno-istraživačke i istraživačko-razvojne djelatnosti ovih institucija. Nadležna tijela korisnika sredstava samostalno, u skladu sa vlastitim strateškim opredjeljenjima i razvojnim potrebama u 2023. godini, te zakonskim propisima i specifičnostima svakog od predviđenih programa odlučuju o utrošku dodjeljenih sredstava. Korisnici sredstava su također obavezni da raspišu interne pozive za dodjelu i učine ih dostupnim svim organizacijskim jedinicama, odnosno zaposlenicima (akademsom i istraživačkom osoblju).

Dokazi o namjenskom utrošku sredstava se uz finansijski i narativni izvještaj dostavljaju Ministarstvu nakon njihove realizacije. U Programu utroška, te u ugovorima je propisano da se „dodjeljena sredstva... ne mogu koristiti za finansiranje plaća i naknada zaposlenih ili spoljnih saradnika, isplatu honorara i sličnih naknada, odnosno pokriće režijskih i drugih troškova koji proističu iz redovnog poslovanja ustanove“, nego isključivo za obavljanje naučno-istraživačke i istraživačko-razvojne djelatnosti.

U nastavku, radi bolje preglednosti, slijedi izvod iz Programa utroška sredstava s kriterijima raspodjele sredstava tekućih transfera utvrđenih Budžetom Federacije Bosne i Hercegovine za 2023. godinu, za oblast nauke.

Program raspodjele sredstava Transfera za oblast nauke od značaja za Federaciju u iznosu od 1.500.000,00 KM

| R. br. | Naziv programa | Korisnik sredstava | Visina sredstava |
|--------|------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------|
| 1. | Podrška izdavanju referentnih naučnih časopisa (osim časopisa iz područja društvenih i humanističkih nauka), zbornika radova, bibliografija i sl. Podrška postizanju referentnosti naučnih časopisa | Univerzitet u Sarajevu, Univerzitet u Tuzli, Univerzitet u Zenici, Univerzitet u Bijaču, Univerzitet „Džemal Bijedić“ u Mostaru, Sveučilište u Mostaru, Franjevačka teologija Sarajevo, Klinički centar Univerziteta u Sarajevu, Sveučilišna klinička bolnica Mostar, Univerzitetski klinički centar Tuzla | 1.500.000,00 |
| 2. | Podrška naučnom usavršavanju na doktorskom studiju, odnosno podrška sticanju naučnog stepena doktora nauka po predbolonjskom sistemu državljana BiH zaposlenih u javnim visokoškolskim i naučnim ustanovama u Federaciji BiH | | |
| 3. | Podrška radu biblioteka javnih visokoškolskih i naučnih ustanova u Federaciji i njihovo uključivanje u bibliotečko-informacioni sistem, pretplata na referentne baze podataka | | |
| 4. | Međuinstitucionalna naučnotehnološka saradnja međunarodnog karaktera (po osnovu potpisanih sporazuma) | | |
| 5. | Organizacija domaćih i međunarodnih naučnih skupova | | |
| 6. | Podrška istraživanju od značaja za Federaciju | | |
| 7. | Podrška autorima zaposlenim na javnim visokoškolskim i naučnim ustanovama u izdavanju naučne literature, izdavački projekti javnih visokoškolskih i naučnih ustanova | | |
| 8. | Aktivno učešće zaposlenika javnih visokoškolskih i naučnih ustanova na domaćim i međunarodnim naučnim skupovima | | |
| 9. | Sufinansiranje istraživačkog rada i naučnog usavršavanja zaposlenika javnih visokoškolskih i naučnih ustanova u zemlji i inostranstvu s ciljem sticanja stepena naučnog zvanja | | |
| 10. | Podrška projektima popularizacije nauke i promocije rezultata naučno-istraživačkog i istraživačko-razvojnog rada | | |
| 11. | Uređenje prostora i nabavka prioritetne opreme za naučnoistraživački rad | | |

Svrha programa 1-11: Podrška razvoju naučno-istraživačke i istraživačko-razvojne djelatnosti na javnim visokoškolskim i naučnim ustanovama u Federaciji Bosne i Hercegovine, kroz podršku naučnom usavršavanju, izdavaštvu i bibliotečkoj djelatnosti, organizaciji i učešću na domaćim i međunarodnim naučnim skupovima, istraživačkom radu, popularizaciji nauke i promociji rezultata naučno-istraživačkog i istraživačko-razvojnog rada, realizaciji programa međunarodne naučno-tehnološke saradnje, te razvoju naučne infrastrukture.

Kriteriji za raspodjelu sredstava:

Sredstva za realizaciju programa 1, 2, 3, 4, 5, 6, 7, 8, 9, 10 i 11. dodijelit će se u ukupnom iznosu od 1.500.000,00 KM.

Iznos za pojedine javne visokoškolske ustanove (univerzitete) odredit će se u skladu sa brojem stalnih članica-organizacionih jedinica na kojima se obavlja naučni (Institut za historiju Sarajevo, Institut za jezik Sarajevo, Orijentalni institut Sarajevo, Institut za genetičko inženjerstvo i biotehnologiju Sarajevo, Institut za istraživanje zločina protiv čovječnosti i međunarodnog prava Sarajevo, Metalurški institut „Kemal Kapetanović“ Zenica) i naučno-nastavni (fakulteti, akademije, visoke škole itd.) proces, na način da se broj organizacionih jedinica pomnoži sa osnovicom u iznosu od 18.000,00 KM. Ostalim nabrojanim visokoškolskim i naučnim ustanovama pripadaju sredstva u visini od 24.000,00 KM.

Sredstva će se dodjeljivati na osnovu ugovora koje će Federalno ministarstvo obrazovanja i nauke sklopiti sa korisnicima sredstava. Nadležna tijela korisnika sredstava samostalno, u skladu sa vlastitim strateškim opredjeljenjima i razvojnim potrebama u 2023. godini, te zakonskim propisima i specifičnostima svakog od navedenih programa odlučuju o utrošku dodjeljenih sredstava. Dodjeljena sredstva se ne mogu koristiti za finansiranje plaća i naknada zaposlenih ili spoljnih saradnika, isplatu honorara i sličnih naknada, odnosno pokriće režijskih i drugih troškova koji proističu iz redovnog poslovanja ustanove. Prioritet u dodjeli sredstava koja se u okviru pojedinih programa dodjeljuju pojedincima imaju mlađi istraživači (do 35 godina starosti). Korisnici sredstava, sa kojima budu sklopljeni ugovori, obavezni su da dodijeljena sredstva utroše namjenski, te u roku od 60 dana od dana realizacije projekata, a najkasnije u roku od 8 mjeseci od dana uplate sredstava, podnesu zbirni izvještaj sa dokazima o namjenskom utrošku sredstava i ostvarenim efektima ulaganja. Korisnici sredstava su također obavezni da, u slučaju finansiranja vlastitih ili izdavačkih projekata svojih zaposlenika (knjige, časopisi i sl.), u roku od 15 dana od dana završetka projekta dostave Federalnom ministarstvu obrazovanja i nauke 10 primjeraka objavljenog djela.

Za sva dodatna pitanja, stojimo Vam na raspolaganju.


MINISTRICA
Jasna Duraković
prof. dr. Jasna Duraković

Dostaviti:

- naslovu
- Damir Marjanović, delegat u Domu naroda Parlamenta Federacije BiH, adresa: Hamdije Kreševljakovića br. 3, 71000 Sarajevo
- a/a

Mostar, Dr. Ante Starčevića bb, Tel.: +387 36 355 700, Fax.: +387 36 355 742
Мостар, Др. Анте Старчевића бб, Тел.: + 387 36 355 700, Факс: + 387 36 355 742
e-mail: info@fmon.gov.ba, kabinet@fmon.gov.ba, <http://www.fmon.gov.ba>